


26588





Альберт Ванеев

Ме чужи  
ВОЙВЫЛЫН



БИБЛИОТЕКА  
Респ. Краев. Музея  
Номин АССР  
город Сыктывкар.

НОМИ КНИЖНОЙ ИЗДАТЕЛЬСТВО  
Сыктывкар 1960

88592  
26588



## СЬОЛОМСЯНЬ КОЗИН

Дзодзөггяс лэбёны кыськё,  
Тыдалё, кёдзалис горт.  
Му вывті шонділань мышкён  
Чотігтыр тэрмасьё морт.

Дзоньвидза ки-кокён гортсьыс  
Войдөр во муналис салдат.  
Неважён быдса кык орды  
Мырддис германскöй снаряд.

Бур на, мый кувтөдз эз сісьты  
Көдзыд окопьясын царь...  
...Пёрысь салдатлөн юр весьтын  
Ыргөнөн кышөдчө ар.

Некодлы гөснеч эз бөрйы —  
Грөш вылад нинөм эз шед,  
Но эм и донатор сьёрсьыс —  
Ленинлөн муса портрет.

Шальтор кө пөчлы эз вичмы,  
Оз жө өд лөгась на, оз.  
Но, а вот овны Ильичтөг  
Пармаын некыз оз позь.

„Төданныд, кутшөмджык сійө, —  
Висьтавліс гортсалы Вась, —  
Лениныд гөль йөзлы миян  
Юрсянь да кок улөдз ас.

Арлыднас мед көть ме дорысь  
Ёнасө пөрысь эз вөв —  
Төлкнас да мывкыднас мортыс  
Абу тай ми воклы пөв.

Шуас да — быттьөкө сотас,  
Быттьөкө вартыштас тув:  
Мед эськө кывла жө мөдысь,  
Сэтчөдз мед ог жө на кув.

Сэтшөма сьөлөмөс шонтіс,  
Надея пөльыштіс мем,  
Пөрысь, а думайтны понді,  
Кыдзикөн нюжөдны нэм“.

Некодөс унзіль оз личкы,  
Выль каллян пестө салдат:  
„Кывлі кор сёрни Ильичлысь,  
Вөлі нин лым усян кад.

Тіянлы висьтавны көсья,  
Эскөй көть энөй, а збыль:  
Пальтоыс кажитчис вөсни,  
Вөсни, да-й, өдвакө, выль.

Вот эськө Ленины, шуам,  
Мөдөдны шоныдджык пась“... —  
Сьөлөмын шоналөм думсө  
Вайис лөз пармаөдз Вась.

Кутісны сёрнитны лючки:  
Комитö кодi оз тöд?!  
„Содтöд на пуктамöй чукчи,  
Тарьяс да сьöла гоз-мöд.

Сетiгас висьтавны позьö:  
— Ассьыд здоровьетö видз,  
Коми морт киясысь козин  
Примит, Владимир Ильич!“

## МЕНАМ ЧУЖАН МУ

Шоныд репасын узысь таръяс,  
Байдөг кок туйысь сера лым,  
Тундра пельöсын быдмысь каръяс  
И Джебол дорса газлөн вын,  
Ичөт сиктъясын кывлөм мойдъяс,  
Выль шоссеяс и вөрса туй —  
Татшөм озырыс менам Войвыв,  
Менам чужан му,  
Бательн му.

Көдзыд лым — абу гөна вольпась,  
Вöрын уджалысь — абу гөсть.  
Керъяс пөрөдны сідзи ковмас —  
Кийд турдö, а мышкыд пöсь.  
Сöмын сьөлөмöй оз тай доймы,  
Трачкысь көдзыдлы кыв ог шу —  
Ме öд радейта ассьым Войвыв,  
Ассьым чужан му,  
Бательсь му.

Кокныд бобув моз тан не овны,  
Лымийөн шомöстö он на кöt.  
Пила помысь да пищаль помысь  
Батьö шедöдліс кынөмпöt.

Тані донаось вына сойяс.  
Тан оз кыйодны кокныйд шуд.  
Татшөм, ёртьясөй, менам Войвыв,  
Менам чужан му,  
Батьлөн му.

Арся зэрьяссө ме ог дорйы —  
Сё пөв мусаджык тувсов рөм:  
Воөм турияс, ловзьөм дзоридз  
И поэтьясөн ошкөм льөм.  
Сэки миянын лун кодь войяс,  
Вой шөр кыакөд ворсө ю —  
Мича, ёртьясөй, менам Войвыв,  
Менам чужан му,  
Батьлөн му.

Ме ог завидьты некор мөдлы,  
Коді нэмсө эз аддзыв лым —  
Он кө кынмавлы, он и төдлы,  
Кутшөм шондыс овлө пым.  
Мамлөн йөвкөд мем муслун воис,  
Шоныдін корсьны ме ог мун, —  
Меным быдөнысь дона Войвыв,  
Менам чужан му,  
Батьлөн му!

## НЕКОР ОЗ ВУН

Арся зэр улö  
Ывлаö петі...  
Репродукторсянь  
Юраліс гимн,  
Тöлысь вылö кор  
Писькöс ракета  
Вайис менам  
Отчизналысь ним.  
Тöда, тövзясны  
Лунъяс и вояс,  
Но кыздз кувлытöм  
Шонділөн нюм,  
Тайö войыс,  
Сук кымöра войыс  
Йöзлөн паметъысь  
Некор оз вун.  
Тайö кадыс  
Легенда моз коляс,  
Меным сьölöмсянь  
Завидьтас морт:  
Буретш сэки ме  
Му вылын олі,  
Кодыр Тöлысьлань  
Шеныштім борд.

## И. А. КУРАТОВЛЫ

Тэнад стихлысь  
Тупкылісны вомсö,  
Тэнад стихлысь  
Кöртавлісны ки,  
Сы вöсна, мый сійö  
Вöлі коми,  
Гөгөрволіс сійöс  
Парма пи,  
Сы вöсна, мый Муза  
Эз вöv вуза!  
Сійö ветліс гусьöн,  
Кималасöн  
Бур йöз ордын,  
Коді кöдзö нянь.  
Кывбурьястö  
Вөр-ва кодь жö асöн  
Лыддис Сыктыв вожса  
Коми ань,  
Сы вöсна, мый Муза  
Эз вöv вуза!  
Тэнад Муза  
Озыркöд эз киась,  
Кузь юрсиа попьяскöд  
Эз мун,  
Лёк ханжаяс тойласьöмла

Сійö  
Эновтліс тшöтш тэкöд  
Чужан му,  
Сы вöсна, мый Муза  
Эз вöv вуза!  
Но, кыз тэ и шулін,  
Петіс шонді,  
Тэнад кывбур  
Аддзис чужан горт.  
Тэнсьыд би пöсь стихъяс  
Тöдны пондіс  
Коми муысь  
Выль, сöветскöй морт!

## МЕДВОДДЗА УЧИТЕЛЬНИЦАЛЫ

*Буткан сиктса учительница  
М. И. Гнездиловалы*

Гашкө, нимлунысь ёнджыка виччысим,  
Выль букварнымөс видлім сё пөв...  
Кор ми медводзысь школаө мыччысим,  
Тэныд коскөдзыд некод эз вөв.

Кыкөн-кыкөн тэ пуксьөдін ставнымөс,  
Мелі чужөмтө югзьөдіс нюм.  
Төдам, дона Мария Ивановна,  
Миян талунөдз нинөм эз вун.

Сьökыд кадө ми шыпасъяс велөдім:  
Чужан му весьтын грымгис война.  
Урок бөрын ми ыб вылын келавлім,  
Шептөн-шептөн сәсь чукөртлім нянь.

Ылын вөліны ён киа батьясным...  
Весиг первой класс эз овлы весь:  
Школа ломтыны ичөтик дадьясөн  
Оти чуркаөн кыскавлім пес.

Тэнө некор эг аддзывлөй жугыльөн,  
Көть эн нөкъялөм булкияс сөй,  
Кор тетрадьсьыным чукыльяс-мукыльяс  
Мудзтөг видлавлін вой бөрся вой.

Сьökыд кад вöлі велöдчöм панігөн,  
Но ми школаö волім быд лун.  
Ачыд тöдан, Мария Ивановна,  
Көнкө талунöдз нинöм эз вун.

Гыма зэръясыс важөн нин кобисны,  
Пеж войнаыслөн пакталіс би.  
Вöвлöм челядыд öні дипломаöсь —  
Институтъяс нин помалім ми.

Тэнад туй кузя öтияс мунöны:  
Посныд челядылы сетöны сям,  
Мöдъяс из шома поездъяс нуöны,  
Коймöд быдтö да лелькуйтö нянь.

Нельöд чужан му дорйыны лöсьöдчö,  
Мед оз грывгы войналөн лөк гым —  
Перö-ручкаөн ставным ог вöдитчöй,  
Сöмын ставнымлөн сьöлөмным пым.

Тöдан миянöс нимнымöс юавтөг,  
Мед көть верстьööсь, быдөн зэв ён —  
Тэкöд орчöныд öні ми сувтам кө,  
Киняулöдзным лоан ли он?

Тэнад выныд дзик мöдторйын вöлөма...  
Кымын мортлы тэ сетін ён борд.  
Ыджыд тöждлуннад, небыдик сьöлөмнад,  
Мам да бать бöрын медмуса морт?!

## БАТЬЛОН КИЯС

Малыштлывлін юрөд  
Ассыд ыджыд питө.  
Помнита ме, батьö,  
Тэнсыд гаддьöсь китö.

Эн öд прöста мусö  
Киськавлывлы пöсьөн,  
Кодыр Мозын бокин  
Ниа шпалъяс лöсін.

Ки сертиыд тöдчö —  
Олөм вöлі сьöкыд.  
Кутчысьлісны киад  
Сир ва, клей и дьöгöдь.

Здоровайтчөм водзын  
(Сэтшөм нин привычка)  
Он кө чышкы китö —  
Йöзлы он и мыччы.

Абу öд пез кийд —  
Яндысьны тэд нинөм:  
Мисьтөмтор эн вöчлы  
Аслад гаддьöсь киад.

## СЫКТЫВКАР

Тані Войвывса му...  
Ойзö турöб март помын,  
Майын овывлö кöдзид,  
И августын букшасьлö ар,  
Но кызд ассьым любов,  
Ассьым югыд сöдз шондiа томлун  
Тэнö радейтны кута,  
Лөнъ юбокса кар — Сыктывкар.  
Дона мен институт,  
Көнi колисны медся бур вояс,  
Дона Сыктыв ю нöрысын  
Лым еджыд кызьяса парк.  
Сэнi лыддысьли луннас  
Да нывьяскöд дженьдöдлi вояс.  
Тэ помнитан тайöс,  
Лөнъ юбокса кар — Сыктывкар?  
Олö карын том ныв —  
Зарни киа, лöz синьяса шудöй,  
Кодi тöдлытöг öзтылис  
Сьөлöмын куслытöм жар,  
Сэсся торьялим ми,  
Весиг окыштны сiйöс эг удит.  
Гашкö-й сiйөн он вунлы,  
Лөнъ юбокса кар —  
Сыктывкар?

## МЕНАМ ТШӨТШЪЯЯСЛЫ

Пожом сир дукон овтысь керкаад  
Талун первойысь ломтид пач,  
Мича готыркөд йөктад-бергалад  
Паськыд джодж шорын кыкон нач.

Кором гостьясыс эз на воавны —  
Позьё-й дурыштыны виччысигмоз.  
Свадьба кежланыд керка помавны  
Тиян отсаліс быдса колхоз.

Они озырөсь тиян другъясныд,  
Мөс лысьтысьөс, көть кодөс босьт:  
Адзан, вайоны козин-тубрасъяс —  
Керка өдзөс көть кокнад восьт.

Но, а ме тиян вайи бурсиом —  
Стихон пасйыштөм шоныд кыв:  
„Медым шогысь оз дзормы юрсинид,  
Пож тыр мед лоас пи да ныв.

Нэм чөж мед лоас шуд да надея,  
Пызан чегмон мед лоас нянь  
Да выль керкаад пыртөм радио  
Медым некор оз шу:  
„Война!“

## СИКТЫН

Гажтөмчысь тай ме вөлөм мортыд,  
Быд во воывла чужан гортө.

Гожөм кольны и Крымын позьö,  
А ме шойчывла ас колхозын.

Сиктса йөзкөд да сиктса гажын —  
Ю дор лыа ог нимты пляжөн.

Сизим кер судта кок ог лэпты,  
Ог видз гождөмбыд киөс зептын.

Сидзтө вөчан кө — дыр оз юась —  
Аслам батьöй и крапкас-шуас:

„Тэ экзаменьяс сдайтны кужан,  
А вот кутшөмджык сиктса уджас?“

Гашкө, пиукöй, сöныд личыд,  
Гашкө, косаыс усяс кисьыд?“

Тöда: лыддысин мед ас мортөн,  
Колö видз вылас мунны кортöг.

Ытшкиг нинöмысь мед эн кольччы:  
Верман — водзын мун, он кө — орччөн.


Шойчышт, помалан кор покостö  
И эн курит стöг чöвтигкості.

Лунтыр курт сідзи, быттьö гымөн  
Кайö юр весьтад зэра кымөр.

Тадзи пессьöны гожöм чöжыс  
Ыджыд сьöлöма сиктса йöзыс.

Лöсьыд кывны, кор збыль ас мортөн  
Менö лыддьöны чужан гортын.

Да и ачым ме кöсья ёна  
Татшöм йöзыскöд öткодь лоны.



## ЛУН ТӨВ

Скөр вой төвлөн гыпкөм да ойзөм —  
Быд комилы зэв төдсатор:  
Оз идзасысь — сыв кызта козйысь  
Ён керкаяс зымкнитө морт.

Весь ымзыштас вой төв дай довгас —  
Куш киясөн мортөс он босьт:  
Лют вой төлысь позьö не повны,  
Вот лун төвтөг овны оз позь.

Öд лун төвтөг рудзөг оз быдмы,  
Лөнъ курьяö чери оз кай.  
Шань лун төвтөг льөм дзоридз кынмас,  
Дай вөр-ваыс вотөс оз вай.

Öд лун төлыд — гажсора олөм,  
Көрт пачьястөг шоналөм горт.  
Ой, лун төлөй, небыдик лолөй,  
Тэд радуйтчө Войвывса морт.



## ОТИ НЫВЛЫ ВОЧАКЫВ

Тэ мекөд ёна сёрнитны эн мөд.  
Сідз янөдін, көть муё тувъяв синмөс,  
Дзик сы вёсна, мый тэ моз ме ог төд  
Фокстротъяслысь да тангояслысь нимъяс.

Да, колө төдны уна-унатор,  
Мед унджык пөльза Рөдиналы сетны,  
Мед збой да вына вөлі миян морт,  
Мед кужис весиг адысь дзосьон петны.

Но өтчид сөтан – сывъя пу оз усь.  
И төдөмлунъяс сынөд моз он лолышт.  
И овлө сідз: вель уна вой он узь,  
Мед велөдны, мый тшөктө төдны олөм.

Мем, кыз и тэныд, тырис кызь кык ар...  
Но тэ кө сөмын велөдін фокстротъяс,  
Ме велөдчи, кыз видзны тэнсьыд кар,  
Мед шуд эз торкны враглөн самолётъяс.

## СИРЕНЕВӨЙ МАЙКАА ЗОН

Ме унаысь аддзылі сійӧс:  
И мича, и статья, и ён,  
И сім гӧрдӧдз гождьалӧм киа  
Сиреневӧй майкаа зон.

Оз нима в республика пасьта,  
Кӧть сиктаным, дерт, чемпион.  
Но, думайта, унатор босьтас  
Сиреневӧй майкаа зон.

Ті, колӧкӧ, видзӧдлӧй уджын  
Спортивной успехьяслысь дон:  
И зорӧдьяс чӧвтіг оз мудзлы  
Сиреневӧй майкаа зон.

Спортсменӧс слаб мортлы не вежны.  
И коркӧ тэ вунӧдан он,  
Кыз нывкаӧс вӧйӧмысь мездіс  
Сиреневӧй майкаа зон?

Дай нывьяслы муса зэв сійӧ:  
И мича, и статья, и ён,  
И сім гӧрдӧдз гождьалӧм киа  
Сиреневӧй майкаа зон.

## КЫДЗЬЯС

Тә кө чужин да быдмин Россияын,  
Аслад синьясөн аддзывлін, кызди  
Статя нывъяс моз быдмөны миянын  
Небыд сямөда лым еджыд кызьяс.

Юмов вотөсөн кыддыд оз чөсмасьөд,  
Пож кодь лэбулыс, он дзебсьы зэрмиг...  
Но ті, кызьясөй, сэтшөм нин лөсьыдөсь —  
Некызд тиянтөг овны ог вермы!

Ме неважөн на кык во салдаталі,  
Новлі кызд корьяс рөма пилотка...  
Мича кызд батареясянь матын зэв  
Том невеста кодь сулаліс өткөн.

Сійөс ми эгө дойдлөй, эг куснявлөй,  
Муса нылөс моз лелькуйтім-видзим.  
Быд салдатлы өд дум вылас усьлөны  
Чужан сиктбокса мичаник кызьяс.

Ми, салдатьясыс, чужим Россияын...  
Тайөс нырас мед тшупас быд вөрөг,  
Еджыд кызьясөй, турунвиж киясөй,  
Некор тиянөс некод оз пөрөд.

## КЫК САЛДАТ

*„Великӱй Отечественнӱй война дырйи храбрӱйяс смертьӱн уси Сӱветскӱй Союза Герой гвардияса старшина Евтей Гребенюк. Ӑни сийӱ жӱ полкӱ воис служитны геройлӱн пиыс — Виктор Гребенюк...“*

*(Армейскӱй газетысь).*

Эз весь вош миян пушкаяслӱн сӱрни,  
Но танкъяслӱн атакаыс эз ланьт.  
И пискӱдчис, кыз вӱр, окопьяс дорӱдз  
Сьӱд свастикаа ӱти бусӱсь танк.

Сӱк пиньсӱ курчис, сувтис бруствер весьтӱ  
Гранатаяса воин-коммунист  
Да горӱдис: „Тан гвардия сӱветскӱй  
И сідзкӱ таті, гадина, он письт!“

Кыз ӱн преграда, водис танклы паныд,  
Геройскӱй смертьӱн усис старшина...  
Боецӱс, коді кутис тайӱ танксӱ,  
Сӱ вояс кутас казътывны страӱа.

А сылӱн пиыс, коді батытӱг колис,  
Кыз быттьӱ сылы мукӱд туй эз вӱв,  
Кыз коркӱ батыыс, талун сувтис стройӱ —  
Гвардейскӱй полкӱ воис рядӱвӱй.

И муно өти туйод налөн олөм —  
Геройяс йылысь помасьлытөм висьт:  
Том пи салдат неважөн комсомолын,  
А сылөн батыс вөлі коммунист.

Пи пельпом вылын батыслөн погонъяс,  
Пилотка вылын сэтшөм жө звезда.  
Кыз быд салдатлы Рөдинаыс дона  
И батыс моз жө врагөс чегны дась.

## ЗАПЕВАЛА

Уна верст лоӧ выль полигонсянь.  
Изъя туй кузя восьлалӧ взвод.  
Он мӧй тӧд, кызди мудзисны зонъяс?  
Мед кӧть, шондӧй, тадзи эн сот.

Чизыр кӧдзыдкӧд вермасьны кужам,  
Огӧ пинялӧй зэрасьысь ар.  
Ми ӧд, зонъясыс, Войвылын чужим,  
Сӧйӧн мустӧмтам этатшӧм жар.

Шуйга пельпомтӧ сьӧктӧдӧ скатка,  
Веськыд пельпомтӧ — противогаз,  
Сьӧкыд диск, автомат быд салдатлӧн...  
Сӧмын бырӧма валӧн запас.

Мудзӧм йӧзыдлӧн ки-кокас — изъяс,  
Важӧн горшъясыс косъмӧмаӧсь,  
Зумыш чужӧмтӧ чуклялысь визьӧн  
Бусӧсь туй вылӧ визувтӧ пӧсь.

Том салдат юрын горт йылысь думъяс...  
Но сӧк друг, быттӧ весиг эг кыв,  
Сӧмын думъясӧй орины ун моз —  
Кодкӧ горӧдис збой сьыланкыв.

Лои пельпомлы куим пөв кокни,  
Мед көть нинөм эз усь и эз чин.  
Сьökыд гираяс мынісны кокысь,  
Ёртлөн вильыша югнитіс син.

Запеваланым горөдіс сывны.  
Төдса гөлөсыс кыпыд и ён.  
Кодьяс ёна нин мудзинныд, кывзöй:  
Абу мудзöма томиник зон.

Сійöс ми моз жö сьöктөдö скатка,  
Автомат — сійö пыр автомат,  
Гашкө, сы вöсна ас кежас  
„Аттö!“ —  
Запевалалы шуис салдат.

## МЕ ТӨДА ТЭНО, МАМ...

Армияысь воём мысьт  
Пөрччи руд шинельос ме,  
Коді менө шонтыліс  
Көдзыд кадө пыр.  
Аслад киён өшөдін  
Медся югыд пельөсө,  
Сэссия, мыйкө казьтыліг,  
Бөрдін бура дыр.

Мамө, тэнад бөрдөмыд  
Меным гөгөрвоана:  
Татшөм жө шинель новліс  
Менам ыджыд вок,  
Кодсянь сөмын письмөын  
Карточкаяс волісны,  
Коді усис фронт вылын,  
Гортө бөр эз лок.

Ой, өд сьөкыд пиянтө  
Морөс бердсьыд торйөдны,  
Но ме тэнсьыд сьөлөмтө  
Төда, муса мам:  
Коркө звермөм врагъяс кө  
Шуда олөм торкасны,  
Менсьым руд шинельос тэ  
Ачыд пасьтөдан.

## ТУВСОВ ВОЙО

Тані, кыдзи и комиын,  
Югыд тувсовья вой,  
Сідз жö колипкай нюжйöдлö  
Ассьыс помасьтöм мойд.

Сöмын зонъяслөн сой вылын  
Са кодь сьöд автомат.  
Чусмöм би дорын сьылöны  
Куим коми салдат.

Муслун йылысь, том кад йылысь  
Кылö важ сьыланкыв.  
И быд зонкалөн син водзас  
Аслас радейтан ныв.

Коді колис лöz пармаö,  
Кодлөн көсаыс сьöд,  
Коді, öні, дерт, узьö нин  
И дзик нинöм оз тöд.

Эськö кыліс кө ун йывсьыс  
Важсянь тöдса мотив,  
Татчöдз сувтлытöг котöртис  
Тэрыб ки-кока ныв.

Медым ас пельён кывзыны  
Сыланкылыслысь пом,  
Медым ас синмён аддзыны,  
Кыдзи радейтö зон.

Тані, кыдзи и комиын,  
Югыд тувсовъя вой,  
Сідз жö колипкай нюжйöдлö  
Ассьыс помасьтöм мойд.

Сöмын зонъяслөн сой вылын  
Са кодъ съод автомат.  
Кусём би дорын сьылöны  
Куим коми салдат.

## ЛОКТӨ ГОРТАС САЛДАТ

Эг и төдлы, кыз сьөлөмөй сыліс:  
Төдса вөр сайысь петкөдчис ты,  
Ичөтдырсянь-ө мусатор кылі —  
Дзоля хромкалысь гажөдан°шы.

Вуджлі зэв гырысь посьяса юяс,  
А вот тан ичөт ёльяслы рад.  
Гортад вайёны медшуда туйяс —  
Төдө быдөн, код вөлі салдат.

Лоис кырымөй важсяысь чорыд,  
Туй выв бус вөсна чужөмөй сьөд,  
Кызіс гөлөс и вежсьыштис сёрни...  
Сөмын сьөлөмөй абу тай мөд.

Сійө разьсытөм гөрөдөн йитчис  
Чужан вөр-вакөд нэм кежлө дзик.  
Менө, ветлысь салдатөс, пыр виччис  
Вөрса ты бокө йөжгыльтчөм сикт.

Тані ставыс мем мусаысь муса:  
Киөн малышти тырсялысь шеп,  
Пөся сывъялі өмидза кустъяс  
Дай пилоткаөс качөдлі ме.

Эг и төдлы, кыз сьөлөмөй сыліс,  
Төдса вөр сайысь аддзи кор ты,  
Кодыр важысянь мусатор кылі —  
Дзоля гудөклысь лывкйөдлан шы.

Мед жө, мед ворсас хромкаыс сәні,  
Ме көть асылөдз кывзыны рад.  
Сөмын, ёртъяс, эн дивитөй менө —  
Дыр эз вөв гортас коми салдат.

## „ШОНДІБАН“

Кодыр сцена вывсянь кылö  
„Шондїбан“,  
Унджык кывзысьысьлөн вөрзяс  
Чужöмбан.  
Пöчöыслы нюмъёвкерис  
Пöрысь дед,  
Важ том пöра коллялёмсö  
Казьтас мед.  
Кывзö нывбаба: öд сылөн  
Öлексан  
Муслун гөрддзассигөн ворслис  
„Шондїбан“.  
Ставлы тöдса, ставлы муса  
Сылан гор:  
„Шондїбанкөд“ нэмсö вуджö  
Коми морт.  
Рад ме кывны „Шондїбантö“  
Вой көть лун —  
Сэни йöзлөн олём-вылём,  
Йöзлөн дум.

## РЫТЪЯ ШКОЛАЫН

Верстьö йöзөн школа тырны пондас,  
Гöгыльтчас кор шондi рытъявыв:  
Парта сайын — кызь арöса зонъяс,  
Велöдысьыс — накöд тшöтшъя ныв.

Гижывлö öшыбкатöг диктантъяс  
Маслöассьöм киа тракторист.  
Велöдчöмын быдөнöс нин панйис,  
А вот нылöс колльöдны оз лысьт.

Бытъö трактористлөн сөнöд ветлö  
Оз пöсь вир, а кöдзыд сөнiк ва.  
Вайöдiс нин сэтчöдз, бур öтветысь  
Зонмыслы кöть шняпкы-пукты „два“.

Бара жö сiдз вöчны неокота —  
Синтöм-пельтöм некод абу сэн.  
Аттö дивö, кутшöм гөгөрвотöм —  
Трактористтöм трактор кодъ и, эм.

Мый кöть шуöй, абу кокни нывлы  
Ичöt кийн кутны ыджыд шуд:  
Он öд ачыд галстук пыдди сылы  
Сьыли вылас öшöдчыны кут.

Молодечлөн сідз жö ставыс дзугсис,  
Думайтö да майшасьö том зон:  
Мед пö вины менсьым бензин дуксö  
Колö ведра нель одеколон.


Зонмöй, зонмöй... Сывйышт ассьыд шудтö,  
Духи вылö удждонтö эн видз:  
Бензин дукуд абу ставлы мустöм —  
Бур сьölöма радейтас и сідз.

## ВОЙВЫВСА ДЗОРИДЗ

Казьтышт, мусаой, медбөрья гожом,  
Сійо рытсö, кор янсöдчиг тэ  
Сетін войвывса медмича козин —  
Катшасинъясысь вöчöм букет.

Гусьön радейтiм ми öта-мöдöс.  
Вöли муслун, и сёрни эз ков.  
Кор тэ дзоридзьяс сетiн, ме тöдi,  
Найöс сетнысö тшöктiс любов.

Сэксянь зэв уна туйяс ме мунли,  
Усьлис син улö быд пöлöс цвет,  
Сöмын некön и некор эз вунлы  
Катшасинъясысь вöчöм букет.



## МЫЛА ТЭ ЭН БЕРГӨДЧЫВ?

Колин сийөс туй бокө  
Быттьө өтка бербаөс,  
Муртса кисө кутыштлин,  
Сэсса эн и бергөдчыв.

Унатор, зэв важнойтор  
Колис төдтөм, висьтавтөм.  
Тэнад бөръя кывъясыд  
Көдзыд ваөн кисьтөм кодь.

Чышкис вазьөм бандзибсө  
Лөза-гөрда чышьяннас.  
Некыз эз и гөгөрво  
Тэрмасьөмөн пышйөмтө.

Тэ эн шу, мый радейтан,  
И эн шу, мый мустөмтан.  
Он мөй төд, мый лөдсавтөг  
Ыджыд бипур куслывлө?

Дыр на кутас казьтивны,  
Гашкө-й коркө бөрдывлас,  
Кытчөдз оз ло кодлөнкө  
Радейтана гөтырөн.

И кор сиктö бергöдчан  
Во-мöд кeжлö сёрмöмөн.  
Сылысь шудсö эн нин дзуг  
Муслун йылысь сёрниөн.

Некытысь не аддзыны  
Мöдöс, татшöм мичаöс.  
Мыйла тэ эн бергöдчыв,  
Бөрвылад эн видзöдлы?

## В О Л І

Вөснһыд гөлөс сју му дорысь  
Кыліс.

Мича нывка нора-нора  
Сыыліс:

„Сыкөд кыкөн мачөн ворсөм,  
Мөдлапөлысь мөсьяс корсьөм  
Вөлі.

Өти дозйө өмидз вотөм,  
Гортө кутчысьөмөн локтөм  
Вөлі.

Мозын дорын пукалөмыс,  
Муса зонлөн окалөмыс  
Вөлі.

Вөвны вөлі, сөмын бөрө  
Колис,  
Гашкө, оз нин сьөлөмшөрөй  
Воы“.

Кызь арөснад быдтор шуны  
Позьө.

Төдө нывка: сьлөн шудыс  
Водзын.

## ГОЖОМ ПОМЫН

Ярьюгыд шонділөн нюмыс  
Пакталө, сылө и вошө:  
Быттьөкө кыр горув тупыль  
Гөгыльтчө войвывса гожом.

Зэв регыд турунвиж корйөн  
Ошйысьö вёрдорса пипу:  
Медводдза пужйөн и сотчө,  
Лоö, кызд öгыра бипур.

Лэбачьяс, лунвывса гөстьяс,  
Регыд жö овлöны гортын.  
Позьясысь петасны пиян,  
Неуна ёнмыштас бордныс...

Зэрөн, да пужйөн, да лымйөн  
Лэбачöс повзьөдлө арыс.  
Вөтлөмөн вөтлас.

А лэбач  
Тулыснас воö нин бара.

Войвывса гожöмыд дженьыд,  
Дженьыд да, тыдалö, мелі,—  
Лөгавны чужан му вылад,  
Сьöлöмыд бур кө, он велав.

## ТУВСОВЪЯ

Мыйла вöчин тэ  
Менö унтöмөн,  
Кысянь пöльтан тэ,  
Шоныд лун тöлöй?

— Медым долыдджык  
Вöли овнысö,  
Мелі тулыслысь  
Вайи лов шысö!

Киön öвтышта,  
Тіян бур сиа —  
Кытчö туй кутад,  
Тэрыб турияс?

— Курлы-кур-лы! Ми  
Бордъяс доймытöдз  
Лэбам-шенасям  
Чужан войвылöдз.

Кытчö пышьянный  
Гора сёрнитіг,  
Сувттöг-шойччытöг,  
Варов шоръяс ті?

— Туйыс, кузь туйыс  
Миян водзын өд,  
Сельгам-тэрмасям  
Югыд Мозынөдз\*.

Чужанін понда  
Сьөлөм косьмө тшөтш...  
Вайой, донаяс,  
Менө босьтөй тшөтш!

---

\* Мозын — тадзи комиён шуёны Мезень ю.

## ГУЛЮЯС

Кытчö вошлінныд ті,  
Кытчö бырлінныд?  
Ми эг аддзысьлöй,  
Гулюяс, дыр нин öд...

Кодкöд ті энö ладмöй,  
Эн моздысьöй? —  
Война бöрын тан ті  
Эн нин поздысьлöй.

Кытчö бырлінныд ті,  
Кытчö вошлінныд?..  
Рад ме, сьölөмсянь рад,  
Мый бөр воинныд.

Сыктывкар шöрысь  
Веж тополь пу улысь  
Бара адди ме  
Тіянös, гулюяс.

Кутшöм авъяösь ті,  
Кутшöм мичаösь...  
Гулю — гулюяс,  
Лöй дзоньвидзаösь!

\* \* \*

Көть тулыс, көть төв,  
Ме, донаой, казътывла тәнө,  
Мед эськө тэ шонтыштін менө,  
Мед сьөлөмөй көдзыд эз вөв  
Ни тулыс, ни төв.

Көть тулыс, көть төв  
Ог вунөд крут нөрыслань туйсө,  
Көн муслунлысь кывъяссө шуим,  
Ме мөд нывкөд сәні эг вөв  
Ни тулыс, ни төв.

Көть тулыс, көть төв...  
Лөнь сиктө со воис нин гожөм,  
Но кытчө нө, кытчө тэ вошин?  
Өд письмөйд тэсянь эз вөв  
Дзөнь тулыс да-й төв.

Көть тулыс, көть төв,  
Ме помнита, кутшөм тэ мия,  
Да сиктаным воөмтө вичча —  
Тэ важөн нин гортад эн вөв —  
Дзөнь тулыс да-й төв.

## ОЛОМ, ОЛОМ...

Гашкө, кывъясөй абу зэв пөсьөсь,  
Гашкө, ог на куж висътавны сідз,  
Медым мекөд тшөтш аддзисны йөзыс  
Тэнад гаддъөссъөм кияслысь мич.

Посныд чукурөн визьйөдлөм кияс  
Сотліс шонді и кынтывліс төв.  
...Тэнад чужөмсянь Мозынысь йиис  
Регыд кывтас квайтымынөд пөв.

Тэнө шуөны сиктын: Гриш Малань.  
Тэнө төдам, кыз ассыным чунь,  
Төдам, кор ветлан песла и вала  
И кор воывлө гажтөмджык лун.

А өд олөмад абу век тулыс.  
Овлө-й зэр—синва моль бөрся моль.  
Пез война тэнсыд верөстө нуис  
Да и томиник питө эз коль.

Сьökыд гожөм, война кадся гожөм!..  
Пөттөдз куртан, а пөттөдз он сөй.  
Кутшөм мераөн муртавны позьö,  
Мый эз лигышмун сьökыдлун водзын,  
Мый эз дрөгнитлы нывбаба сой?!

Ме эг книгаысь төдмав ид-рудзөг,  
Аслам киясөн видлі быд удж:  
Төда, зорөдъяс чөвтiг кызд мудзан,  
Ытшкиг покосыд дженьыд-ө, кузь.

Көть поводдяыс шондiа кутшөм,  
Турун чукөртны вынным оз судз:  
Зорөд пиньяс со джынйыс на кушөсь—  
Паськыд ыб вылын едждө нин сю.

Бара тэрмасьны, тэрмасьны колө...  
Бур, мый ас вылө надея эм.  
Но и удж вылын сэтшөм здук овлө,  
Быттьө сьөлөмтө бытшкыштас ем.

Усяс син улад пөлян ли, гум ли,  
Кисьмөм льөмлөн ли, сэтөрлөн роз,  
Пуктан шаль пыткад гортөдзыд нуны  
Йөзлөн челядьлы асладлы моз.

Быттьө тэ найөс чужтiн да быдтiн,  
Быттьө шуд налы тэтөг оз ло:  
— Сөйөй, донаяс, чөсмасьөй быдөн,  
Мамныд, көнкө өд, эз жө на во.

Челядь гартчөны номйысь на уна:  
— Малань тьөт,  
Меным вай, Малань тьөт...—  
Мукөд дырйи и аттьө оз шуны,  
Көмтөм кокъяслөн ыджыд-ө 'төлк!

Вөвлі сьөкыд, но лөклань эн вежсьыв.  
Тэ өд нэм чөжыд уджавлiн сiдз:  
Келан пидзөсөдз курыштны эжөр,  
Мед оз вош прөста вершөкджын видз.

Тэнад сөвөстөйдүд век овлө сьөрсьыд:  
Мунан вундыны — шептор он коль.  
Сөмын аслад бур удж йылысь бөрын  
Ни он ошйысь, ни лишной он доль.

И тэ пыр вөлін сәні, көн сьөкыд,  
Венін ставсө, көть кыв вылад рам,  
Олөм туйыд көть эз вөвлы тшөтшыд,  
Сийөс вуджнысө тырмис тай сям.

Посныд чукурөн визьйөдлөм кияс  
Сотліс шонді и кынтывліс төв.  
...Тэнад чужөмянь Мозынысь йиыс  
Регыд кывтас квайтымынөд пөв.

А тэ усьпаньвыв эн на и вөвлы,  
Көть и пөрысьлун пунктис нин пас.  
Вөлі подвигөн тэнад став олөм  
Вовьсь-во,  
                  лунысь-лун,  
                                  часысь-час.


---

## СО Д Е Р Ж А Н И Е

Сьӧлӧмсянь козин . . . . .	3
Менам чужан му . . . . .	6
Некор оз вун . . . . .	8
И. А. Куратовлы . . . . .	9
Медводдза учительницаы . . . . .	11
Батьлӧн кияс . . . . .	13
Сыктывкар . . . . .	14
Менам тшӧтшъяслы . . . . .	15
Сиктын . . . . .	16
Лун тӧв . . . . .	18
Музыка кывзигӧн . . . . .	19
Ӧти нывлы воча кыв . . . . .	20
Сиреневӧй майкаа зон . . . . .	21
Кызьяс . . . . .	22
Кык салдат . . . . .	23
Запевала . . . . .	25
Ме тӧда тӧнӧ, мам . . . . .	27
Тувсов войӧ . . . . .	28
Локтӧ гортас салдат . . . . .	30
«Шондӧбан» . . . . .	32
Рытъя школаын . . . . .	33
Войвывса дзоридз . . . . .	35
Мыйла тӧ эн бергӧдчыв . . . . .	36
Вӧлі . . . . .	38

Гожом помын . . . . .	39
Тувсовья . . . . .	40
Гулюяс . . . . .	42
Котъ тулыс, котъ төв . . . . .	43
Олом, олом . . . . .	44

26588



*Альберт Егорович Ванев*  
Я РОДИЛСЯ НА СЕВЕРЕ  
СТИХИ

на коми языке

Оформление М. П. Безносова

Редактор *С. Морозов*

Техн. редактор *И. Цивунин*

Сдано в набор 5/VI-60 г. Подписано к печати 26/X-60 г.  
Формат 70×92<sup>1</sup>/<sub>32</sub>=0,75 бум. л. 1,755 печ. л. (Уч.-изд. л. 1,2)  
Тираж 1000. Заказ № 2418. Ц01478. Цена 60 коп. с 1.1.61 г. 6 коп.  
Коми книжное издательство. Дом печати.

\*\*\*

г. Сыктывкар, Республиканская типография Полиграфиздата  
Министерства культуры Коми АССР



60 к.

с 1/I-61 г. 6 к.